



DISPUTATIONIS

DE

PRÆSCRIPTIONE BIGAMIÆ,

P R A E F A M E N.

SIsto nunc alteram partem dissertationis de Crimine Bigamiæ, quæ separatim de hujus delicti præscriptio-
ne tractat, ut fidem nuper datam liberem. Selegi
vero argumentum Dissertationis ex materia Crimi-
num, non solum quod hæc sit in foro versantibus u-
tilissima, sed & quod deprehenderim, eam rariorem esse,
nec uspiam ex professo, quod dici solet, expositam, præ-
terea disceptationis difficilioris, in qua ingenium exercere
possem. Quamvis enim jam Carpzovius alicubi notave-
rit: Insignium & Clarissimorum JCtorum Scripta Crimi-
nalia hæc tenus bene multa fuisse edita, quibus evolvendis
hominis vita quantumvis diuturna vix ac ne vix quidem
sufficere possit, quod prima fronte quivis vel solius Fari-
nacii operibus criminalibus convictus lubens fateri necesse
habebit; idem tamen jure veretur; ne per istas variorum
Commentationes ceu tenebris quibusdam mirum in mo-
dum involuta sint jura criminalia. Quod si enim ex anti-
quioribus v.g. Farinacii (nam qui hunc novit, omnes no-
vit) scripta evolveris, nil nisi improbum eius laborem ad-
mirari poteris, suppeditantem tibi quasi locos communes
ex barbaris Glossæ idololatris collectos. Si judicium quæ-
siveris, quamvis Diogenis lucerna sis instructus, frustra ad-
hibebis industriam. Ita omnia pro autoritate determi-
nare voluerunt antiqui isti rerum criminalium scriptores.
Quod si leges adhibent, plerumque eadem a glossa ita sunt
infectæ & contortæ, ut risum sæpius cohibere vix valeas.
Non diffitendum equidem: post hos dari quosdam ele-
gantioris literaturæ JCtos, qui magis delestant, magisque

G

adju-

adjuvant, sive antiquitatem historicam & juris Romani tradita expetas, sive quæstiones in foro quotidie occurrentes venari cupias, ex quibus, qui palmam reliquis dubiam faciunt, Antonium Matthæi a Benedictum Carpzovium nominasse sufficiat, sed nec tamen negari potest, & hos in hoc argumento utilissimo multa reliquissæ, in quibus operam impendere proficuum possit veræ Philosophiæ, hoc est Jurisprudentiæ addiætus. Igitur quæ in præsenti exhibeo, æqui bonique consule, Amice Lector & fave.

S U M M A R I A.

Status controversie §. I. Præscriptionis homonymia §. 2. Præscriptio criminum definitur §. 3. An præscriptio criminum justa sit? §. 4. Utrum jus naturæ præcipiat delicta esse punienda §. 5. Præscriptio Criminum directo non liberat a pena, sed ab actione criminali §. 6. Quomodo lapsus temporis producat effectus morales §. 7. Cur hic lapsus temporis in republ. defini ri debeat §. 8. Sedes doctrinae de præscriptione criminum in jure Romano §. 9. Ejus usus modernus in imperio §. 10. Connexio dicendorum §. II. Præscribuntur vicennio crima omnia etiam extraordinaria, etiam privata. §. 12. Etiam capitalia & atrocissima etiam occulta: rejicitur distin ctio Farinacii §. 13. Vicennium hoc loco est continuum non utile §. 14. Et computatur naturaliter non civiliter §. 15. Exceptions a regula de præscriptione vicennii §. 16. Proponitur communis Doctorum exceptio de criminibus, quæ nequidem vicennio prescribuntur §. 17. Rejicitur illa quoad crimen Apostasie §. 18. Quoad crimen partus suppositiū §. 19 20. Parcidiū §. 21. Et quoad reliqua crimina a Dd. excepta §. 22. 23. Altera exceptio de criminibus minori pœnæ prescribendis, qualia sunt crimina lege Julia de adulteriis notata §. 24. Ut stuprum, sub quo continetur sodomia. Notatur Anton. Matth. §. 25. Adulterium item, quod jure Digestorum triplice tempore prescribatur §. 26. An & jure Codicis? Exponitur l. 18. C. de adulteriis §. 27. Excipiuntur adulterium cum incestu junctum & stuprum violentum §. 28. Quedam alia crimina ad L. Jul. de adulteriis spe. Elaverint §. 29. An & incestus eo pertinuerit? rationes pro affirmativa §. 30. Quibus respondetur & contrarium ostenditur ex l. 4. de question. §. 31. Erroris istius origo mala expositio Glossæ §. 32. Defenditur ulterius ac explicatur Sententia Ulpiani d. l. 4. de question. §. 33 34. Exponitur locus Ammi-

Ammiani Marcellini §. 35. Incestus absque adulterio vel stupro quo tempore prescribatur §. 36. Adulterium quo tempore prescribatur de jure Saxon. §. 37. Rationem indulti quinquennii in criminibus lego Julie non esse clandestinitatem delictorum ista lege notatorum §. 28 39. Liberat prescriptio criminum non solum ab accusatore, sed & ab officio judicis § 40. Debet itaque Iudex eam omissam ex officio suppleret §. 41. Quatenus prescriptio criminum a pena libereit? §. 42. An ea opponi possit, si delinquens per viennum fuerit in fuga §. 43. Utrum confessio post vicennium facta obvet prescriptio? §. 44. 45. Resp. ad principalem questionem: Quo tempore crimen bigamia prescribatur. Rejiciuntur 1) opinio eam nunquam prescribi. §. 46. Rationes pro 2) opinione, quod bigamia prescribatur viennio. §. 47. Probatur sententia 3) eam prescribi quinquennio. §. 48. Computari tamen debet quinquennium a die bigamiae finita §. 49. Quot modis bigamia finitur §. 50. Finitur etiam, si conjux innocens prior conjugium per sententiam judiciale curaverit dissoluere §. 51. non vero si defacto conjux prior aliam duxerit. §. 52. Finitur bigamia, si bigamus penitentis duobus se ab altera conjuge separaret §. 53. nec opus hic erit sententia judiciali. §. 54. Quinquennium non habet locum jure Saxon. in bigamia duplicata §. 55. Respondeatur ad rationes sententiae secunde §. 56. 57. 58. 59. Conclusio & prejudicia duo Dominorum Scabinorum §. 60.

§. I.

Questio, de qua praesens discursus instituetur, est: *Quo tempore crimen bigamiae prescribatur?* Ad cuius decisionem antequam perveniamus, sciendum prius est, quid sit bigamia? quid item sit prescriptio criminum? Ac de bigamia quidem nuper abunde disseruimus, restat igitur ut de prescriptione criminis quedam praenotemus.

§. 2. Prescriptio sumitur vel pro acquisitione juris a) seu qualitatis moralis activæ, vel pro liberatione a qualitate morali passiva, hoc est, obligatione b). Priori modo actionem producit, posteriori, quo hujus loci est c), exceptionem d), qua voce tamen hic in lata acceptance e) uti liceat, prout sub se modos tollendi obligationem ipso jure comprehendit, quales communiter a Doctoribus solent exceptiones facti appellari. Nam & prescriptio ipso jure aliquem ab obligatione liberat f). Intelligitur autem hic per prescriptionem exceptio illa in specie, quæ in

tempore fundatur g), quamvis alias in genere quælibet exceptio præscriptionis nomine venire soleat b).

a) l. un. Cod. de usuc. transform. b) t. t. ff de diversis temporalibus præscript. junct. t. t. C. de præscript. 30. vel 40. ann. c) l. 12. C ad l. Corn. de salis. d) l. 8. J. fin. G. de præscript. 39. l. 40. an. e) uti accipitur etiam in l. penult. ff. de Publ. in rem act. f) l. si pupillus 45. de administr. & peric. tut. junct. l. 53. ff. de solut. l. un. C. de usucap transform. l. 3. C. de præscript. 30. & 40. ann. Zang. Part. 3 c. 10. n. 17. seqq. g) ut in rit. de divers. & temporal. præscript. b) Rubr. ff. C. de except. & præscript. l. 11. & pen ff. eod. t. 8. l. pen. & ult. C. eod.

§ 3. Definimus ergo præscriptionem criminum, quod sit liberatio ab actione criminali per lapsum temporis lege definiti.

§ 4. An vero crimina salva iustitia naturali præscribantur? quæstio præjudicialis est; Sane ex communi Doctorum opinione inter præcepta juris naturalis refertur: reos esse puniendos, quod præceptum maxime violari videtur, si eadem princeps, qui sub lege naturali est, impunita propter solam temporis diuturnitatem relinquit, cum lex naturæ obliget perpetuo, & quod semel ea lege injustum est, mille annis non possit fieri justum. Ut ratiocinio utilitatem Reipubl. cuius maxime interest, delicta non manere impunita, quod frequenter inculcarunt JCti Romani a). Sed ad ea facilis est responsio, etenim principaliter præscriptio criminum non eum in finem est inventa, ut delicta, de quibus aliquis convictus est, impunita maneant, sed potius, ne propter summam factorum incertitudinem ex temporis diuturnitate provenientem innocentem, in quos suspicio criminis alicujus cadit, indebita afficiantur poena, aut beneficio defensionis priventur, quod & ipsum post longum temporis lapsum propter interitum probationum maxime difficile redditur b). Igitur directo præscriptio criminis non intendit remissionem delicti, de quo constat, sed potius remissionem actionis super delicto dubio. Quemadmodum enim in civilibus causis præscriptio temporis necessaria visa est, ut esset litium aliquis finis, nec semper incerti cives de dominio rerum suarum: ita eadem necessaria visa est in causis criminalibus, ut accusationum aliquis finis esset, nec semper incerta spe atque expectatione penderent, quicunque criminis alicujus insimulantur c).

a) l. 13.

DE PRÆSCRIPTIONE BIGAMIAE.

53

- a) l. 13 pr. de off. præsid. l. 9. §. 5. de public. & vettig. l. 51. §. 2. ad l. Aquil.
b) vid. Lauterb. disp. de prescript. crim. lib. 10. c) Anton. Matth. de
crim. lib. 48. cit. 19. n. 4 pr.

§. 5. Deinde nescio, an veritate nitatur commune istud assertum, quod vult; jus naturæ præcipere, delinquentes esse puniendos. Sane nulla ratione asséqui possum, quomodo, ea doctrina assumta, in salvo esse possit jus aggratiandi, quod tamen uno ore Principi tribuunt Politici atque Jcti. Et ut a priori etiam ista hypothesis infringatur, constet: pœnam esse dolorem, qui propter delictum infligitur a superiori communis emendationis, ac per consequens etiam assecurationis & tranquillitatis publicæ gratia. Finis igitur omnis pœnæ, quatenus ex lumine rationis demonstrari potest, est utilitas Reipubl. Respubl. vero vel is, qui in ea summam potestatem habet, pro utilitate pœnas infligit. Nunquam autem lex naturalis obligat aliquem, ut utilitatem suam procuret, quin potius regula vulgaris docet: quemlibet juri suo ac utilitati renunciare posse; magis igitur ex vero pœnæ impositionem Grotius a) haclenus ex jure naturali descendere dicit, quod id dictetur, non debere, sed posse puniri eum, qui deliquit. Quamvis ob hanc causam communiter a Commentatoribus suis vapulet b), sed immerito.

- a) de J. B. & P. l. 2. c. 20. §. 3. b) vid. Dn. Ofiand. obs. add. l. §. 4. Varent. Veltbem. ad d l. 9. 3.

§. 6. Diximus: a) præscriptionem criminum directo intendere remissionem actionis super delicto dubio, non remissionem pœnæ, delicto certo impositæ hinc & in definitione posuimus verba: quod sit liberatio ab actione criminali. Atque idem inculcant leges Romanæ: prohibent enim, ne excitetur scil. per actionem criminalem crimen per præscriptionem sotium b), docentque querelam de crimine excludi per præscriptionem c). Hinc & accuratius non simpliciter crimen, sed questionem de crimine præscribi d) afferuerunt, etsi usus modernus Doctorum velit, ne phrasin istam præscribere crimen amplius respuamus.

- a) §. 4. b) l. 29. §. 5 ad l. Jul. de adult. c) l. 12. C. ad l. Corn. de falsis.
d) l. 3. de requir. vel absent damn.

§. 7. Reliqua definitionis verba quod attinet, videri quidem dubium poterat, quomodo lapsus temporis, qui haud

G 3 dubie

dubie est ens physicum, vel certe effectio entis physica, possit producere liberationem ab actione, quæ est effectus moralis, cum tamen dictum modo ^{a)} sit, nec lapsus mille annorum ex justo posse facere iniustum, aut vice versa. Sed ad hæc tenendum est, tempus ipsum sibi relictum nullam effectum moralem producere, sed effectum horum, ut omnium entium moralium, causam esse voluntatem, & quidem respectu horum effectuum, qui occasione temporis oriuntur, esse voluntatem humana, quæ vel in dubio ex lapsu temporis diuturni colligitur, quod optime demonstravit Grotius ^{b)}, vel expresse effectum moralum per determinationem & adjectionem temporis aut suspendit aut terminat, ut adeo frustra & sine ratione prægnante JCi Romani statuerint, perpetuari obligationem meam, si Titio decem in singulos annos, quoad vixerit, dare spöonderim, etiam post Titii mortem, quia tempus non possit esse modus tollendi obligationem ^{c)}. Nam quemadmodum ad hanc rationem facile ex dictis responderi potest; ita & conclusio, quam exinde deduxerunt, est nullius momenti, subtilitatisque inutilis. Etsi enim perpetuetur mea obligatio, non tamen cogor aliquid præstare, sed libero me per exceptionem pacti vel doli ^{d)}. Quod idem est, ac si dicerem dabo tibi vestimenta, sed hac conditione, ut nudus incedas.

^{a)} S. 4. ^{b)} lib. 2. cap. 4. S. 6. seqq.

^{c)} S. 3. Inst. de V. O. l. 44. S. 1. l. 56. S. 4. ff evd. ^{d)} dd. text.

§ 8. Igitur in præscriptione criminum non tam tempus est causa præscriptionis, quam voluntas principis, temporis lapsus saltem ut requisitum aliquod præscriptionis requirens. Innuit hoc definitio nostra, dum dicit: *per lapsum temporis lege definiti*. Considerat vero princeps in indulgenda præscriptione criminum, ut diximus, incertitudinem delictorum & difficultatem probandæ innocentiae, quæ etsi pro varietate circumstantiarum varient, ita ut hoc delictum decennio, alterum vicennio, tertium quinquennio & ita porro difficulter detegi possit, & innocentia rei quoque in uno delicto per longiorem temporis tractum facilius probari possit, quam in altero, adeoque dicendum videri possit, temporis lapsus non in genere a principe definiri debere, sed arbitrio judicis esse relinquendum: quoniam tamen hic controvertitur, de re magni præjudicij, & frequentius

DE PRÆSCRIPTIONE BIGAMIAE. 11

quentius de vita hominis, non facile debet princeps judicis arbitrio, qui affectibus saepius est obnoxius, ejusmodi determinationem committere, præprimis cum & præscriptio criminum fundet se in utilitate publica, cuius æstimatio principaliter ad solum principem pertinet. Per principem autem hic intelligo quemvis, qui habet τὸ νόμον in civitate.

§. 9. In Republica Romana regulariter vicennii tempus præscriptioni criminum fuit præfinitum. Innuunt hoc Imperatores Diocletianus & Maximianus. Querela falsi, inquit a), temporalibus præscriptionibus non excluditur, nisi viginti annorum exceptione sicut catena quoque fere crima. Autores vero hujus determinationis videntur fuisse Severus & Antonius Imperatores, quod ex loco Marciani colligi poterit b). Quamcumque questionem, ait, apud fiscum, si non alia sit præscriptio, viginti annorum silentio præscribi Divi Principes voluerunt. Memoraverat autem paulo ante c) Marcianus dictos Imperatores. Parallela his sunt, quæ dicit Hermogenianus: In omnibus inquit d), fisci questionibus, exceptis causis, in quibus minora tempora servari specialiter constitutum est, viginti annorum præscriptio custoditur. Jamdum vero apud Græcos Solon crima silentio vicennali extingui sanxerat e), quem forte & Romani in sua determinatione respexerunt.

a) l. 12. C ad L. Corn. de falsis.
b) l. 3. ff. de requir. vel absent. damnand.
c) l. 1. pr. ff. eod.
d) l. 13. de divers. temp. præscript.
e) vid. Lauterb. d. disp. tb. 2.

§. 10. Hanc de criminum præscriptione determinationem juris Romani servant non solum mores hodierni in Imperio Romano, sed nec ab ea jure Saxonico recessum est. Nullum tamen est dubium, quin hanc determinationem in imperio Romano mutare possint respectu totius imperii Imperator, sed cum consensu statuum, respectu singulorum territoriorum vero status ipsis, item Nobiles immediati & civitates Imperiales, non autem mediati, nec municipales a).

a) hec omnia latius executus est Lauterb. d. l. tb. 3-30.

§. 11. Ut vero distinctius intelligatur, quinam juris Romani disponentis, quid crima vicenio regulariter presribantur, sensus sit, secundum ductum singulorum vocabulorum expemus, i. qualia crima vicenio presribantur, i2. quomodo compute-

putetur vicennium, 3. quænam crima ab hac *regula* eximantur,
 & 4. quænam sit *præscriptionis* hujus efficacia.

§. 12. Præscribuntur vicennio *crimina omnia*, quæ non in
 specie sunt excepta *a*), ergo etiam extraordinaria *b*), ergo etiam
 privata, quatenus de iis criminaliter agitur *c*). Cæterum an &
 delictis dantur, an item præscriptio vicennalis in accusatione v.g.
 injuriarum criminali locum habeat, & quæ possunt esse quæstio-
 nes similes, hic definire non vacat, cum ad scopum nostrum ni-
 hil faciant *d*). Id nobis certum videtur, quod afferit Dn. Lau-
 terbach. *e*) in publicis delictis, elapso licet vicennio, adhuc civi-
 liter & ad interesse ac damna illata resarcienda agi posse, ex con-
 stitutionibus Carini *f*) & Diocletiani *g*) non probari, cum in hac
 posteriori ne iota reperiatur, quod ad præscriptionem vicennii
 trahere possis, & in illa quamvis dicatur, civiliter queri posse de-
 fide scripturæ, etiamsi criminaliter cœptum judicium interven-
 tu indulgentiæ sotpum sit, tamen per illam indulgentiam non in-
 telligi præscriptionem, sed abolitionem, cuivis, ut puto, apparet:
 nec aliter intellexerunt *Glossa* & *Gothofredus* in commentariis
 suis.

a) Probant hoc evidenter textus supra §. 9. descripti. *b*) arg.
rubr. de extraord. crimin. *c*) Lauterbach. *d.l. thes. 12.* *d*) vid tamen
Lauterb. d. b. 12. Anton. Matth. *d. tit. 19. c. 4. n. 6 seq.* Farinac. *Oper.*
crim. lib 1. qu. 10. n. 34. Gebhard. *de usucap. c. 3. n. 13 p. m. 522.* *e*) *d.*
th. 12. in fin. *f*) *l. 9. G. ad L. Corn. de fals.* *g*) *l. 16. C eod.*

§. 13. Ulterius sive crima sint capitalia sive non capita-
 lia, sive atrocia, sive atrocissima, sive facti transeuntis sive facti
 permanentis, præscriptio vicennalis in iis habet locum *a*), quia
 lege non distingue nec nostrum est distinguere. Sed quid
 si crimina sint, quæ occulte fuerint commissa? Ex idenditate ra-
 tionis idem erit dicendum *b*). Neque distinguimus cum Fari-
 nacio *c*), utrum delictum tali modo sit occulte perpetratum, ut
 curiæ sive accusatoris potuisse in notitiam curiæ devenire, an
 vero ita sit occultum, ut per quamcunque diligentem inquisitionem
 non potuerit de eo notitia haberi. Etsi enim pulchram
 vocet hanc distinctionem Farinacius, veramque credat asser-
 tionem, quod priori casu currat præscriptio vicennii a tempo-
 re de-

re delicti commissi, quia curia vel accusator sibi imputare debeat, quod non adhibuerint diligentiam debitam, posteriori vero etiam post vicennium actio criminalis possit institui, quoniam hic nihil possit imputari fisco; quem doctrinam etiam videmus placuisse Theodorico *a*): nobis tamen eadem fundamento institui omnino videtur, cum Farinacius nullam aliam ejus affectat rationem, quam quod præscriptio inducta sit propter negligentiam. Hanc enim causam minus genuinam, certe non principalem, esse ex iis, quæ supra *e*) diximus, patet: Quin potius ex rationibus ibidem adductis inferimus contrarium. Nam si delictum ab initio ita est occultum, ut per diligentem investigationem non detegi possit, sane post lapsum vicennii probatio ejus, vel ex parte rei defensio innocentiae, si non impossibilis, certe difficillimæ evadent. Igitur si in præscriptione 10. vel 20. annorum, qua res immobiles acquiruntur, nulla scientia vel ignorantia expectanda est: (addo: nec distinguitur: utrum aliquid sciri potuerit vel minus,) quanto minus in hac vicennali præscriptione id desiderandum erit *f*). Ut illud taceam, quamvis in præscriptione actionum civilium non negemus, simul puniri negligentiam privatorum, quod juribus suis indultis intra determinatum temporis spatium non fuerint usi, ad præscriptionem tamen criminum hanc negligentiae penam propter apertam diversitatis rationem accommodari haud posse. Nam accusare respectu actoris, certo inquirere respectu judicis non tam ad facultates morales & jus judicis, quam ad ejusdem obligationem referri debet, qua obstrictus est reipublicæ. Neque puniretur adeo judex aut accusator per id, quod post vicennium amplius actionem criminalem formare non possent, quoniam ipsorum hac parte directo non interest, sed utroque casu lucret negligentiam alienam Respubl. quod forer iniquum.

a) Lauterbach. th 13. b) vid. Dd. a Lauterb. d. th 13. citatos & Farinac. d. q. 12. n 12. c) d. l. n. 13. d) Colleg. Crim. Disp. 10. tb. 7. lit. d. e) §. 4 f) verbasunt Antonii Matth. d. tit. 19. c. 4. n 9.

§. 14. Ex his facile constat tempus vicenii hoc loco non utile esse, sed continuum: de initio dubium non relinquent modo dicta. De cursu idem dicendum erit, quoniam leges hic non notant, utiliter tempus computandum esse. In dubio autem

tem præsumetur magis tempus esse continuum, quam utile, quoniam istud magis naturale est. Hic tamen notandum, quod istud initium computandi in criminibus, quæ continuantur trahit temporis sumi debeat non a tempore incepti, sed finiti delicti, v. g. in crimen apostasie, quoniam hoc per omne vitæ spatium continuatur, (nisi quis pœnitens in gremium veræ ecclesie iterum fuerit receptus) adeoque non nisi morte delinquentis finitur, non poterit etiam præscriptio vicennii locum habere, quia deficit initium cursus, adeoque dicitur, quod nullis temporibus hujusque criminis indago arceatur ^{a)}. Deinde si delicta sint iterata, vicennium computari debet a tempore ultimi delicti commissi. Unde si quis per decennium v. g. latrocinatus est, præscriptio homicidii non numeranda erit a tempore primi anni, sed post decennium præterlapsum. Nam etiam si dicere velles post lapsum vicennii a tempore primi anni præscriptum esse primum homicidium, sufficit tamen, quod tempore ultimi homicidii in fine decennii perpetrati non nisi decem anni præterlapsi sint. Jam vero singula homicidia poenam merentur. Simili ratione, si quis ante decennium falsam scripturam fecerit, eamque hodie dolo malo producat, nova vicennii præscriptione ab hodierno tempore computanda erit opus, cum duo distincta sint, falsam scripturam confidere, &c., eadem dolo malo uti ^{b)}.

^{a)} l. 4. C. de apostatis. ^{b)} Farinac. d. q. 10. n. 10.

§. 15. Porro in præscriptione vicennii tempus non civiliter, ut dies coepitus habeatur pro completo, sed naturaliter computari debere, distincte probat Dn. Lauterbach. ^{a)} quem exscribere hic nolumus. ^{a)} d. l. th. 19.

§. 16. Quæ hactenus de præscriptione vicennii diximus, procedunt regulariter. Dantur vero, uti ab omni regula, ita & ab hac exceptiones, legibus ipsis innuentibus ^{a)}. Et has quidem duorum generum esse volunt communiter juris interpretes, scilicet ut vel præscriptio vicennalis non sufficiat, vel minoris temporis spatio ad fundandam exceptionem debeamus esse contenti. Prior ex male intellectis legibus ortum duxit, posterior vero jurisprudentie Romanæ est conveniens. De singulis seorsum. ^{a)} vid. supra §. 9.

§. 17. Dicunt ergo Doctores: regulam nostram limitari in crimi-

crimine suppositi partus, parricidii, hæresis, læse majestatis, apostasie, assassinii, falsæ monetæ, simoniæ, concussionis, abortus &c. In his enim nullam currere præscriptionem, sed perpetuo adversus reos horum criminum inquiri cosque accusari posse ^{a)}. Quam recte, ex testibus & rationibus, quas adducunt, constat.

^{a)} conf. Farinac, d q 10. n. 29.

§. 18. Quod apostasiam quidem res videtur esse confecta propter clara verba constitutionis imperialis ^{a)}, in tantum, ut & ipse subtilis Wissenbachius ^{b)} exceptionem agnoscat, rationem que exceptionis suppeditet istam, quod hoc crimen in divinam majestatem committatur, & in eo pœnitentia locum non habeat. Sed contrarium monstrant, quæ jam supra ^{c)} differimus. Et responsio quidem, quam ibi dedimus, videtur omnium simplissima. Diverse respondent alii. Antonius Matthæi ^{d)} verbis, nullis temporibus, explicat: id est nullo breviori tempore. Nam, addit, si immortalis esset ea accusatio, etiam mortuo reo quandocunque institui posset. At non nisi intra quinquennium, a morte defuncti computandum, testamentum ejus everti potest ^{e)}, accusatio igitur immortalis esse nequit. Guazzinus ^{f)} vero vivente apostata currere quinquennalem præscriptionem, post mortem autem ejus esse perpetuam ^{g)} statuit, Ilcer Bartolus tradat, quod etiam post mortem tale crimen quinquennali præscriptione claudatur. Denique Jacobus Gothofredus ^{h)} Imperatores Theodosium & Valentinianum in præscriptio*n*ne ⁱ⁾ perpetuam hujus criminis accusationem post mortem apostate fecisse docet, sicut apostasie crimen non præscribatur, cum temporariam tantum & quidem quinquennalem esse voluissest Valentinianus Junior ^{k)}, exemplo querelæ inofficiosi. Quid mirum magis, ita pergit Gothofredus, Tribonianum utramque constitutionem in Codicem suum conjectisse, quæ adeo inter se contrarie sunt, nullaque satis commoda ratione conciliari possunt, quicquid tandem alii distinguant. In singulis his Matthæi, Guazzini & Gothofredi explicationibus non pauca sunt, quæ notari merebantur, si expositio dictarum legum principaliter ad institutum nostrum ficeret.

^{a)} l. apostatarum 4. C. de apostat. ^{b)} ad ff. tit ad leg. Jul. Majest. tb. 14.

^{c)} §. 15. ^{d)} c. 4. n. 4. ^{e)} hanc dubie reflexit Matthæi adl. 2. C. de a-

H 2 postat.

postat. f) de defensa inquisitorum Def. 2. c. 2. n. 77. g) adductus Guiz. zinus pro sua sententia d. l. 2. & 4. C. de apostatis. b) ad l. 7. C. Thiod. de apostatis lib. 10. tit. 7. i) d. l. 4. C. de apost. k) l. 2. C. eod.

§. 19. In crimine partus suppositi provocari solet ad textum Pauli a): Accusatio suppositi partus nulla temporis præscriptione depellitur, nec interest, decesserit uee ne ea, que partum subdidisse contenditur, ubi quidem quoad verba ultima eorumque intellectum non facile poterit esse dubium, illa eo respicere, si mulier decesserit & alii participes maleficii adsint b). At quod initialia verba attinet, notat equidem Glossa c) tanquam aliquid speciale contra constitutionem Diocletiani quod dicatur: Accusationem suppositi partus nulla temporis præscriptione depelli, sed Antonius Matthæi d) ejusque discipulus Wissenbachius e) putant respici a JCo: d quinquennii præscriptionem, qua adulterii accusatio depellitur, ut sensus sit: si mulier adulterium commiserit & partum supposuerit, quamvis adulterii accusatio quinquennio perimitur, non tamen suppositi partus, eam enim durare annos viginti. Juvat hanc Matthæi explicationem, quod in supra f) recensita Diocletiani & Maximiani constitutione etiam querela falsi non dicatur excludi temporali præscriptione, quam tamen iidem Imperatores statim subjiciunt excludi exceptione viginti annorum, ut adeo stylo juris Romani in materia criminum per temporalem præscriptio- nem videatur tale tempus intelligi, quod vicennio minus est.

a) in ad l. Crim. l. 4. j. 20. b) vid. l. 2. de Carbon. edit. c) ad d. l. 19. §. 1. d) de Crim. ad lib. 48. tit. 2. cap. 4. n. 10. & tit. 19. c. 4. n. 3. e) ad ff. de adult. lib. 14. f) §. 9.

§. 20. Addo, inquirendum esse, annon crimen suppositi partus debeat referri ad delicto, que tractu temporis continuatur. Nam sane crimen ibi incipit quidem a suppositione partus, sed facta semel suppositione crimen nondum est consummatum, sed continuatur tam diu, quam diu suppositus habetur aut venditatur pro partu genuino. Hoc pacto eadem ad hanc Pauli legem esset responsio, quam supra a) de apostasia dedimus, ut ea evadat Pauli sententia. Accusatio suppositi partus, quamdiu partus suppositus vivit, nulla temporis præscriptione depellitur, quoniam præscriptio vicennii demum computatur a consummato delicto, crimen vero suppositi partus vivente partu supposito, nondum consummatum est. a) §. 15. §. 21.

§. 21. Pergo ad parricidium. Et hoc delictum vicennio non præscribi communis est sententia propter doctrinam ejusdem Pauli ^{a)}: *Eorum qui parricidii pœna teneri possunt; semper accusationem permitti afferentis.* Sed hic per tò semper non intelligi tempus ultra vicennium, sed tempus quinquennio longius ex loco parallelo Venuleji ^{b)} satis dilucide constat.

^{a) l.f. ad L. Pomp. de parricid. b) l. 13. ff. de Scto Silan. conf. Matthai & Wiffenb. dd. ll.}

§. 22. Atque hi sunt textus, qui Glossam eamque postea nimis supine fecutos Doctores deceperunt, ut statuerent dari quædam crimina, quæ nec vicennio præscriberentur. (Provocat equidem Farinacius ^{a)} & ex eo Guzzinus ^{b)}, quoad crimen abortus ad legem Tryphonini ^{c)} ego tamen ingenue fateor, me nec personum videre, quale inde extruere velint argumentum.) Quemadmodum autem alias dato uno absurdō sequuntur plura, ita & semel admissa contra mentem Ictorum Romanorum exceptione hæc, non potuerunt non Glossæ admiratores plura crimina a regula communī excepte, quæ jam supra d) dedimus, quamvis aperte esse, exceptiones istas nullo textu nisi. Videbatur enim istis iuris interpretibus inconveniens, apostasiam & parricidium omni præscriptione indigna judicare, heresin vero, blasphemiam, simoniam, læse majestatis crimen assassinium & falsationem monetae sub regula velle comprehendere, cum tamen hæc delicta, si non majora prioribus, certe tamen iis nullo modo videantur esse postponenda.

^{a) d. q. 10. n. 29. b) d. cap. 2. n. 74. c) l. Cicero 39. ff. de pœnis. d) §. 18.}

§. 23. Sed urgent tamen Doctores isti pro sua sententia, quod Diocletianus in constitutione sua ^{a)} præscriptione vicennii quædam crimina innuat esse excepta per particulam fere, quæ sententia falsa esset, si non concederetur, in quædam crimina ultra vicennium inquire posse. Verum salva res est. Poterant per nos Doctores etiam provocare ad textum Marciani, ibidem supra a nobis exhibitum, ubi Marcianus etiam expresse afferit, viginti annorum præscriptionem locum habere, si non alia sit præscriptio. Ex his enim locis nequaquam sequitur Diocletianum & Marcianum voluisse: quædam crimina ne quidem vicennio præscribi, sed potius innuere voluerunt, non nulla crimina minori temporis spatio excludi. Clare hanc explicationem

H 3 suppe.

suppeditat Hermogenianus & ipse supra appositus. Hic enim a præscriptione vicennali non excipit causas, majus tempus desiderantes, sed causas, in quibus minor a tempora servari specialiter constitutum est. a) vid. §. 9.

§. 24 Igitur ordo postulat, ut nunc & de his differamus, non fuse, sed quantum ad scopum nostrum conduit. Conducit vero quam maxime, ut de criminibus, ad L. Juliam de adulteriis pertinentibus, dispiciamus a). De his distincte Ulpianus b) differit: Quinquennium observari legislator voluit, si reo vel rex stuprum, adulterium vel lenocinium objiciatur. Quid ergo si aliud crimen sit, quod objiciatur, quod ex lege Julia descendit, ut sunt: qui domum suam stupri causa prebuerunt & alii similes? & melius est dicere, omnibus admissis ex lege Julia descendantibus quinquennium esse præstitutum. Regulam vidimus ex Ulpiano, jam liceat seorsum de singulis criminibus disquirere eademque, quomodo applicari possint ad regulam, dicere.

a) de reliquis criminibus, quæ tempore vicennio minori præscribuntur, vide Farinacium, Guazzin. Lauerb. dd. ll. b) l. 29. § 6. ad l. Jul. de adult.

§. 25. Ac stuprum quidem quod attinet, nullum est dubium, spectare id ad legem Julianam & expresse legislatorem voluisse, quod præscriptio quinquennii in eo locum habere debeat. Quid vero sit stuprum, lubet exponere verbis Antonii Matthæi a): Stuprum, inquit, in specie ita dictum quidam definiunt illicitam virginis deflorationem. Et hoc imperite, quis enim nescit stuprum committi etiam cum pueri & vidua? quis nescit esse virgines nonnullas, quarum tamen defloratio extra penam legis sit? Igitur ita dictum oportuit: stuprum est corruptio pueri aut viduae aut virginis honestæ b). Sed de pueri stupro, quod frequentius hodie sodomitiam & sodomiticum scilicet appellamus, sequentii capitulo tractabitur. Ex dictis sua sponte sequetur, etiam ex hypothesi Romanorum & ex mente legis Julianæ, stuprum pueri, quod Modenitus c) sub stupri voce comprehendi ait, & Tribonianus dicta lege Julia prohibitum esse docet d), quinquennio præscribi. Unde mirandum, quid eidem Antonio Matthæi venerit in mentem, ut in capite sequenti e) sequentia scribebat: Tempus hujus accusationis, scilicet de crimine sodomiæ, quod attinet, viginti annorum esse puto: Neque enim lex Julianæ, cum stupro accusando quinquennium præfinivit, de Venere monstroso sensisse videtur. Et cum incestus usque ad annum vicesimum accusari possit, absurdum foret, non idem obtinere in flagitiis.

DE PRÆSCRIPTIONE BIGAMIAE. 63

tio graviore. Quomodo enim legem Julianam de stupro loquenter de Venere monstrosa non sensisse assertere potuit Matthæi, quum in verbis modo datis sub voce stupri etiam corruptionem pueri comprehendendi recte docuerit. Nisi forte dicere velis in loco posteriori Matthæum respicisse magis ad reliquas sodomitæ species, præcipue ad illam nefandam libidinem, quæ cum brutis exercetur; quas sub voce stupri in lege Julia inclusas fuissent non poterit probabiliter defendi, quo tamen pacto inquirendum foret, an hæc crimina nobis quidem Christianis nefanda a Romanis plane pro criminibus fuerint habita, & si id factum fuerit, an non forte alio legis Julij capite ea fuerint prohibita. Alterum autem Matthæi argumentum ab incestu desumptum ad sodomitiam nihil firmi infert. Rationem quippe disparitatis mox dabimus.

a) de crimin. lib. 48. tit. 3. c. 5. n. 2. b) l. inter liberas 6.

§. 1. ff. ad l. Jul. de adult. l. inter stuprum 101. ff. de V. S. §. item lex Julia de adult. Inst. de publ. Jud. c) l. 34. §. 1. ff. ad L. Jul. de adult. d) d.

§ item lex Julia de publ. Jud. conf. Briss. ad l. Jul. de adult. p. m. 30. Ed. Heidelb. e) d. l. c. 6. n. ult.

§. 26. Pergimus ad adulterium. Et hoc quinquennio prescribi Ulpianus docet sed ex aliis textibus hæc doctrina ita suppleri debet a) quod accusatio adulterii tollatur vel quinquennio continuo ex die admissi criminis computando vel utili semestri. Adultero accusando quinquennium præfixum est adulteræ sex menses utiles a die divorii, qui tamen & ipsi ita computari debent, ne excedant, quinquennium continuum b). Ex mensibus illis sex duo primi, id est sexaginta dies utiles dentur marito ad accusandum jure mariti, id est, ut præferatur aliis & accuset sine inscriptione, nec timeat calumniae poenam, si crimen non probaverit c).

a) vid Wissenb. ad Pand. tit. ad L. Jul. de adult. th 24. b) d. l. mariti 29. §. sex mensium & sqq. l. quinquennium 31. ff eod. l 5. & 28. C. eod.

b. l. §. accusationem ff ad SCrum Turpil. c) l. 6. l. quamvis 30. vers. in pri- mis C. de adult. l. 11. §. quarebatur ff. eod. l. auxilium 35. §. 1. ff. de minor.

§. 27. Et ita quidem distinguebatur secundum jura digestorum. Cæterum jure noviori folam quinquennii præscriptio nem observari ex Bachovio & Treutelero observat Lauterb. a). An vero hæc sententia firmiter ex eis, quæ adducitur, Diocletiani b) lege probetur, valde dubito: Dicunt enim Imperatores,

quod

quod in questione adulterii prisci juris ambages debeant removeri & abolite esse ceteræ præscriptiones preter quinquennii temporis & lenociniti, quod manu obicitur, exceptionem. Hic igitur sub voce præscriptionis, intelligitur exceptio, statuiturque, quod præter exceptionem lenocinii & præscriptionis quinquennii alias exceptiones non debeant habere locum. Quemadmodum vero & iure Pandectarum principaliter præscriptio quinquennii, ut modo vidimus, attendebatur, neque tamen propterea præscriptio semestris aut sexaginta dierum excludebatur, ita quoque posses dicere, Diocletianum in sua constitutione sub præscriptione quinquenniatis subintellexisse, aliasque saltem exceptiones voluisse excludere. Quas vero? Hoc ego jam quidem non definiam c) cum textus sit valde obscurus, ut ejus sententiam vix possis intelligere, etiamsi scholia Gothofredi & commentationem Glossæ & sex summaria a Glossatoribus constitutioni præfixa non superficario studio perlustrares.

a) d. diss. th. 15. b) l. 28. C. ad L. Jul. de adult.

c) conf. interim Ant. Matth. de crim. l. 48. tit. 3 c. 4. n. 15.

§. 28. Quæ vero de quinquennali adulterii & stupri præscriptione dicta sunt, dupli modo limitantur. Nam incestum, qui cum adulterio conjunctus est, præscriptione quinque annorum non excludi, docet Ulpianus a), idemque b), una cum Marciiano c) inculcat eos, qui per vim stuprum intulerint, sine præscriptione temporis accusari posse: cum raptus aut stupri violenti crimen legis Julianæ de adulteriis potestate incedat, & ad legem Julianam de rō pertineat. Utinam vero & Ulpianus primæ limitationis de incestu cum adulterio conjuncto rationem dedisset. Jam silente Ulpiano sicut & Gothsredus & Glossa (quæ plane nihil annotet, ut saepius alias, ita & hic inepte sibi scru-
pulum movet: an, quemadmodum incestus adulterio junctus præscriptionem quinquennii non admittit, ita nec admittat eandem adulterium incestui junctum. Questio Domitiana quam tamē dubitanter & cum metu Glossa adhibita particula forte affirmat. Non tamens sicut Brissonius d), quia scil. Incestus lege Iulia non coercetur. Demonstrabimus hanc rationem paulo post.

a) l. 39. §. 5. de adult. b) l. 29. §. fin. cod. c) l. 5. in fin. ad L. Jul. de vi
publ. d) tract. ad L. Jul. de adult. p. m. 131.

§. 29.

§ 29. De lenocinio, quod & ipsum Ulpianus quinquennio præscribi docet, nihil nunc, quod speciatim notari mereatur, occurrit. Id magis notabile, quod præter hæc tria stupri, adulterii & lenocinii crima Ulpianus afferat, omnia reliqua delicta ex lege Julia descendentia quinquennio præscribi. Quæres enim non sine ratione, quænam sint ista reliqua crimina. Exemplum quidem suppeditat Ulpianus ipse de eo, qui domum suam stupri causa prebuit, quod caput legis Juliæ sic effert Papinianus a): Qui domum suam, ut stuprum adulterium cum aliena matrefamilias vel cum masculo fieret, sciens præbuerit, cuiuscunque sit conditionis, quasi adulterio punitur. Sed præter hoc etiam ad alia capita Ulpianus respexit, quia provocat ad casus alios similes. Indicat hæc Triphonius b), docens, legem Julianam pro adulterio etiam punivisse, si adulterii damnata sciens quis uxorem duxerit, & eum, qui pro comperto stupro, haec ne deprehensos in adulterio stuprove prodat, pretium acceperit: Et de his casibus Ulpianum Glossa, eamque forte secutus Brissonius c) exponunt.

a) l. 8. ff. ad L. Jul. de adult. ad cuius explicationem facit l. 9 & 10. ff. eod.

b) l. 37. §. 1. versic. Dixi ff. de minor. c) ad L. Jul. de adult. p. m. 107.

§ 30. Jam quid de incestu dicemus? Annon & ad hunc Ulpianus in verbis: & alti similes, respexit? Ita senserunt Farinacius a) & Guazzinus b), qui inter crima, lege Julia de adulteriis coercita, etiam incestum recenserent. Facit pro hac sententia, quod non solum communiter Doctores in expositione tituli digestorum ad legem Julianam de adulteriis simul explicent incestum, sed quod Ludwell c) afferat, lege Julia de adulteriis omnem illicitum coitum coerceri, qui legibus prohibetur & punitur; item Schuzius d) profiteatur: lege Julia agi de omnibus delictis carnis. Quid quod nullum amplius appareat remanere dubium, cum incestus vel stupri vel adulterii species esse videatur. Pro stupro facit, quod Schardius e) scribit: Stuprum dividitur in stuprum specificum, adulterium & incestum. Pro adulterio videatur pugnare Huberus f), dum ait: incestum sive per stuprum sive per matrimonium admisum poena adulterii affici.

a) d. q. 10. n. 15. b) d. def. 2. c. 2. n. 46. c) Exerc. ult. ad Instit. lib. 4.

d) in compend. juris ad L. Jul. de adult. init. e) in Lexico Juris voce stuprum. f) in posit. ad Instit. de publ. judic. posit. 22.

§. 31. Sed quemadmodum communis error alias non facit jus, ita nos non patiemur nobis hic imponi autoritatibus Doctorum, fundamento legum vel rationum destitutis. Nam quas leges adducit a) Schärdius, probant saltem stuprum in lata acceptance comrehendere adulterium. De incestu nihil probant. Quod vero Huberus dicebat, incestum ut adulterium puniri, id quoad incestum, qui per matrimonium fit, ex textu quidem Papiniani b), ad quem provocat, etiam non probatur; & contrarium verius esse patebit ex mox dicendis. Et quid verbis opus est? Sane nihil apertius potest esse affato Ulpiani alio: c) Incestu, inquit, ut Papinianus respondit & est rescriptum, servorum tormenta cessant, quia & lex Julia cessat de adulteriis.

a) scil. l. inter liberas & l. si adulterium ff. ad l. Jul. de adult. b) l. 38 pr.
eod. c) l. 4 ff. de questionibus.

§. 32. Quæ verba Ulpiani cum perspicue afferant, legem Julianam de adulteriis non coercuisse incestum, magnus oriebatur nobis scrupulus, qui evenerit, ut juris interpretes, ulla destituti ratione, contrarium afferere fuerint ausi: Non sine causa suspicabamur Glossam, quæ uti fere omnium errorum, in expositione juris occurrentium, mater est (cum JCti antiquiores cœco impetu expositionem Glossæ quam magis venerabantur ac leges ipsas, fuerint secuti, ex novioribus vero pauci invisam istam industriam, errores communes nimium radicatos evelendi adhibeant) ita & hanc erroneam doctorum de incestu opinionem a Glossa originem sumere non videbatur improbabile. Neque nostra nos fecellit suspicio: Ita enim ad verba Ulpiani, quibus asserebat, in incestu cessare legem Julianam de adulteriis, notavit Glossa: Hoc est verum ex capite adulterii, sed tamen incestus est unus ex capitulis ejus. Et ne frustra hanc explicationem a Glossa doceri putes, provocat insuper ad Tryphoninum a), ac si statuat, incestum alio capite legis Julie prohiberi. Nobis vero apud Tryphoninum hujus sententiaæ nec volam nec vestigium deprehendere licuit. a) d. l. 27. § fin. de minoribus.

§. 33. Quodsi forte pro Glossa id afferre velis, totum Ulpiani locum videri suspectum, quod scilicet afferat: in incestu servorum tormenta cessare, ea que locum habere in criminibus a lege Julia de adulteriis notatis, facebimur, non esse de nihilo, quæ hic

hic objici possunt, & majori industria in iis removendis opus esse, quam in refutanda Glossa. Sane Cicero in defensione Milonis ^{a)} aperte ait: *De servis nulla questio est in Dominum, nisi de incestu, ut sit in Clodium, & alibi b)*. *De nostrorum etiam prudentissimorum hominum institutis, qui cum de servis in dominos queri noluissent, de incestu tamen & conjuratione, que facta me consule est, querendum putaverunt.* Hic affine est, quod Valerius Maximus ^{c)}; narrat: *M. Antonium incesti reum fuisse actum, ejusque in judicio accusatores servum in questione perseverantissime postulasse, quod ab eo, cum ad stuprum iret, laternam prelatam contenderent.* Et hoc etiam forte respexit Livius, dum Minutiam Vestalem in testi accusatam decreto pontificum jussam esse sacris abstinere familiamque in potestate habere docet, hoc est, ut Wilhelmus Godolevæus ^{d)} notat, ne servos manumitteret, cum pontifices eos ad confitendam veritatem tormentis cogi volentes metuerent, ne Minutia servos, a quibus prodi posset, manumitteret. Jam quod legem Julianam de adulteriis attinet, Ammianus Marcellinus ^{e)} memorat, in stupri questione mancipia in Domini caput torqueri vetuisse clementissimas leges.

^{a)} p. m. 554. Sect. 22. ^{b)} in partitionibus. ^{c)} lib. 6. cap. 8. hist. 1. ^{d)} in not. add. 1. Livii p. m. 153. ^{e)} Hist. lib. 28 p. m. 391.

S. 34. Sed defendi poterit Ulpianus ab iis objectionibus. Nam ad ea, quæ de incestu allata sunt, respondebimus, distinguenda esse tempora. Ante legem Julianam incestus causa servos in Domini caput questioni fuisse subjectos, eoque locum Ciceronis & exempla Valerii & Livii esse referenda. At legem Julianam in adulteriis causa servorum adversus dominos questionem introduisse, & ita incestus crimen, quod ea lege comprehensum non erat, ex ea quoque legis severitate evolasse ^{a)}. Vel etiam dici potest: ante legem Julianam etsi de adulterio aut stupro ageretur, servos non solere in dominos audiri, sed neque si de incestu, nisi publica sacra ceremoniaque violata diceretur, ut in Antonio & in Cladio. Nam quod alio loco Valerius ^{b)} ait: *M. Antonium incesti hujus postulatum esse apud L. Cassium Prætorem, hoc manifeste indicat tum fuisse postulatum, cum rogante Sexto Peducio Tribuno plebis creatus est Prætor L. Cassius, ut post L. Metellum Pontificem Maximum de incestu cum vestaliibus Licinia & Martia ^{c)} recognosceret.* Porro Augustum questionem de Servia admisisse in adulterio, in incestu, cui nihil aliud

conjunctum est, non admisissé, non quod adulterium sit gravius crimen, sed quia tale delictum vix sine servorum ministerio committitur: incestum, ut soli sint, qui natura conjuncti sunt, nemo præsumserit d). Igitur secundum hanc responsonem in allatis exemplis incestus sumeretur de concubito cum personis DEO dicatis, de quo jam non quærimus, nec de eo Ulpianus loquitur. Cæterum quod locum Ciceronis & exemplum Clodii attinet, posses etiam dicere. Ciceronem per incestum ibidem ipsum adulterium intelligere. Quemadmodum etiam in latissima significatione incestus dicitur crimen, quod committitur cum ea, cum qua illicitum alioqui matrimonium fuisset. Ita notum est, Ciceronem vocibus incestus, adulterii & stupri uti promiscue e). Constat autem Clodio præter alia crimina etiam adulterium fuisse objectum f). Atque hauc responsonem video etiam placere Tabori g), ac, quem hic citat, Cujacio.

a) Briffon ad L. Jul. de adult. p. m. 134. b) lib. 3. c. 7. exempl 9. c) conf. Freinsheim supplem. in Liv. lib. 63. c. 5 sqq. d) vid. Ærod. rer. Judic. lib. 8. tit. 2. c. 7. e) vid. Schardii Lexic. Juris voce Incestus. f) conf. Ærod. d. l lib. 6. tit. 1. c. 32. g) de tortura c. 5. §. 22.

§. 35. Quod autem Ammianus Marcellinus sit, in stupri questione leges noluisse servos in caput Domini torqueri adeo Ulpiano non contradicit, ut potius cum eo amice conspiret. Concedit Ulpianus in criminè adulterii servum torqueri, negat id Marcellinus in criminè stupri. Utrumque recte. Utramque enim sententiam inculcat Papinianus a), ut adeo & secundum hanc distinctionem intelligi debeant constitutio Severi atque Antonini b), & doctrina Marciani c), quamvis alias lex Julia stupri ac adulterii voce promiscue utatur d). Nec igitur opus habemus, Ammianum cum Ærodio e) exponere de temporibus ante legem Julianam, aut Friderici Lindenbrogii censuram nostram facere ad Ammiani sententiam illud notantis f). Mirum hoc quidem & verba legis expresse aliud statuunt g). Sed cum Ammiano facit Tullius in oratione pro Milone: De servis nulla lege questio est in Dominum nisi de incestu: quæ verba in mente habuisse Marcellinum vero simile est.

a) l. 17. pr. & §. 1 ff. de quest. b) l. 1. C. eod. c) l. 5 ff. eod. d) l. 6. §. 1 ff. ad L. Jul. de adult. e) d. l. 8. tit. 2. cap. 7. f) in observatione ad

ad d. l. Marcellini p. m. 181. g) d. l. 5. ff de quest. d. loc. 1. C. cod.

§. 36. Manet igitur verum, quod Ulpianus dixit, incestum lege Julia non fuisse notatum, & exinde jam constabit etiam, utrum incestus in se & absque concursu cum crimine stupri quinquennio aut vicennio præscribatur? (Est enim incestus conjunctio illegitima cum personis, quæ vel ratione consanguinitatis vel affinitatis ratione sunt prohibitæ, facta vel affectione conjugali vel absque ea.) Farinacius *a)*, & ex eo Guazzinus *b)*, incestum solum absque adulterio quinquennio præscribi afferunt, quoniam nimirum statuunt, incestum lege Julia fuisse prohibitum, iisque rationem, cur incestus cum adulterio conjunctus vicennio præscribatur, eam afferunt, quod duplicatum hic sit delictum, ex qua sententia sequeretur, si quis v. g. adulterium commiserit & stuprum, quod & hic vicennium ad præscriptionem requiratur, quod tamen nolim afferere. Verius est quod statuit Antonius Matthæi *c)* & Decianum defendere narrat Guazzinus *d)*, ac ita in praxi Saxonica receptum est *e)* incestum etiam solum vicennio præscribi tanquam delictum a lege Julia alienum, & simul hanc rationem genuinam esse, quod adulterium, cui incestus conjunctus est, non præscribatur quinquennio.

a) d. q. 10. n. 15. & 19. b) d. defens. 2. c. 2. n. 46. c) de crim. lib. 48. tit. 3. c. 6. n. ult. d) d. l. n. 48. e) vid. Carpz. Prax. Crim. q. 141. n. 49. & quos citat. Lauterb. d. disp. tb. 15. in fin.

§. 37. Jure Electorali Saxonico præscriptio quinquennii in adulterio duplicato locum non habet *a)*, sed tunc ad vicennalem recurrentum *b)*. An vero etiam respectu simplicis adulterii hoc jure quinquennale tempus abrogatum sit, olim Doctores & judicia Saxonica dissenserunt, quibusdam constitutionem Electoralem etiam ad adulterium simplex extendere volentibus *c)*. Sed postquam Serenissimus in novissimis decisionibus *d)*, istam litem sustulit & sententiam Dominorum Scabinorum jam ante firmioribus rationibus nixam confirmavit, præscriptionem quinquennalem in simplici adulterio admittentium, a prolixiori hujus questionis disceptatione tanquam frustranea merito abstineamus. *a) propter Confit. 14. Part 4. b) Wesenb. in addit. ad Schneide-*

win Inst. de usuc. tit. de Spec. præscript. n. 50. c) vid. Finckelthuf obs. 6. Lauterb. d. disp. tb. 21. Dn. Schilter. ad ff. ad L. Jul. de adult. Exerc. 49 tb 89. d) decis. 84.

§.38. Cur vero legislatores Romani præscriptorum criminum vicennale tempus præfiniverint, ad easpectat, quorum ratio reddi nequit ^{a)}. Idem sentiendum esse arbitror, cur brevis tempus criminibus lege Julia notatis concesserint. Posset enim difficultas in criminibus generale præscriptionis criminalis fundamentum est, sua sponte videtur fluere, citius vicinio absolvit debere præscriptionem in ejusmodi delictis clandestinis, in quibus major probandi difficultas deprehenditur, citiusque probandi media evanescunt. Ac videtur præterea hæc quæ sèpissime, si non semper, remotis perpetrantur arbitris, & difficillime, ut ex processu criminali notum est, probantur, sed & peculatu, qui & ipse quinquennio præscribitur ^{c)}, nam & hic quasi species furti est, adeoque clandestinitatem præsupponit ^{d)}. Quin & applicari poterit ista ratio ad accusationem ex Senatus Consulto Silanianō de apertis tabulis, cui etiam quinquennium præfinitum est ^{e)}, quoniam apertura testamenti clanculum fieri potest. ^{a) vid. Lauterb. d. disp. th. 14. b) § 4. c) l. 7. ad L. Jul. peculat. d) arg. l. 1. l. 4. pr. ff eod. e) l. 13 ad SCium Silanianum.}

§.39. Qodsi tamen penitus paulo rem perpendas, ratio ista indulti in quibusdam criminibus quinquennii pro genuina vix haberi poterit. Quippe jam supra ^{a)} affirmavimus, præscriptionem vicennalem etiam in criminibus occultis locum habere. Neque præterea illud urgebo, quod pleraque delicta reliqua, præprimis quæ ex præmeditata præteresi orientur, clam committentur, quodque adulterium & stuprum aliquando satis aperte patentur, adeoque secundum opinionem istam sequetur, in delictis etiam reliquis clanculum commissis præscriptiōnem quinquennalem, id adulterio vero & stupro quandoque vicennalem præscriptionem locum inventuram, quod absurdum. Sane quod Senatusconsultum Silanianum concernit, et si apertura testamenti clam fiat, poterit tamen, quoniam est delictum facti permanentis, facile probari. Et non solum ille punitur SCro, qui tabulas aperit, sed & qui hereditatis aditione, quæ facto satis conspicuo contingit, notam ejus incurrit ^{b)}. Porro si peculator seu furtum pecunie publicæ ob clandestinitatem præ-

præscriberetur quinquennio, cur non & furtum rerum privata-
rum, cuius contrarium tamen etiam adstruximus superius c). Denique si adulterio quinquennium ex ista ratione effet præfi-
nitum, multo magis incestus, qui difficilius probatur d), quin-
quennio foret excludendus, neque conjunctus cum adulterio
hoc crimen perpetuaret.

a) §. 14. b) l. 3 §. 2. ad SCt. Silan. c) §. 13. d) vid. §. 35.

§ 40. Restat, ut videamus, quid operetur præscriptio crimi-
num? Liberat videlicet delinquentes plenissime tam ab accu-
satione, quam ab inquisitione judicis quod posterius prolixius
deduxit Lauterbach a), in tantum ut ipse Farinacius b) afferat,
judicem, qui post lapsum præfixi temporis præscribentem con-
demnat, non tantum male & inique agere, sed & ultimo suppli-
cio plectendum esse, si scilicet eodem afficerit præscriptione li-
beratum. a) disp. tb 11. § 24. b) d q 10 n. 2.

§. 41. In eo autem non convenient Doctores: Utrum ju-
dex, si reus non comparuerit, aut exceptionem præscriptionis
non opposuerit, eam ex officio supplere teneatur. Faricacius a)
plures alios fecutus putat, hoc interesse inter eum, qui non deli-
quit, & illum, qui præscriptione liberatus est, quod ille absens &
contumax non possit condemnari, hic possit, ut & iste, qui exce-
ptionem præscriptionis non opposuit. Contrariam sententiam
veriorem esse dicit Guazzinus b), cuius opinioni & nos accedi-
mus c), tanquam argumentis legum d) magis convenienti & a Se-
ren. Saxonie Electore approbatæ e). a) d. q 10. 35. sqq. b) d.

defens. 2. c. 2. n. 14. seqq. c) cum Lauterb. d. tb. 25. Carpz. p. 1. Const. 25.
def. 3. & Prax. Crim. q 141. n. 36. d) arg. l. 1. §. generaliter ff. de legas
præstand l. 8 de publ in rem att junct. l. 19. de pen. l. 1. l. 18. §. 9. de quest.
§ l. 6. de appellat. e) d part. 1. const. 25. Carpz. dd. ll.

§. 42. Etsi itaque præscriptio criminum ab omni inquisi-
tione & accusatione liberet, non tamen liberata poena directo,
quod jam supra a) ostendimus. Dicimus directo. Nam per con-
sequentiam etiam quis liberatur a poena, quatenus in delictum
non amplius inquiritur. Et ita intelligo Lauterbachium b), dum
sit: elapsa legitimo præscriptionis tempore, reos ab omni poena
liberari, & Carpzovium c) tradentem: adulterii reum præscri-
ptione quinquennii non solum ab ordinario suppicio, sed & ab

extra-

extraordinaria poena liberari. Nam ipse Lauterbachius d) fate-
tur, hanc præscriptionem esse saltem poenarum inferendarum,
præscriptionem, si accusator ante præscriptionem completam
libellum accusationis porrexerit, aut Magistratus ex officio in-
quisitionem formaverit. Tunc enim in criminalibus dici præ-
scriptionem interruptam, idque ex communi Doctorum fenten-
tia extendit Farinacius f), etiamsi nulla citatio sit emissa, in eo e-
tamen non sine ratione quis adhuc dubitare posset, preprimis
cum Guazzinus g) contrariam sententiam dicat esse magis com-
munem. Multo magis vero procedet ista sententia, si reus jam
fuerit condemnatus, & postea aufugerit, aut contra absensem
inquisitio fuerit instituta, isque propter contumaciam fuerit
proscriptus b). a) I. 4. in fin. & §. 6. b) tb 24. c) Prax. Crim.
q. 59 n. 7. d) tb. 26. e) qu. 141. n. 53. f) d. q. 10. n. 28. g) d. def. 2.
c. 2. n. 91. b) Farinacius & Carpz. dd. ll.

§ 43. Quid si vero delinquens statim delicto commisso
fuga sibi consuluerit, & magistratus durante vicennio inquisicio-
nem non formaverit? Et tunc præterlapsò vicennio reum ni-
hilominus condemnari posse cum Carpzovio a) statuit Lauterb.
b), quoniam nimurum per Magistratum non stetit, quod inquisi-
tio non fuerit formata, nec reus condemnatus, sed ipsius culpa
& fuga moram invexerit, quæ a poena ipsum neutquam liberere
possit; aliter enim si diceretur, absentibus occasionem præberi
liberrimam poenam effugiendi. Eadem haud dubie ex istorum
dictorum sententia applicari debent ad eum casum, si quis fuga
sibi ab initio consulens post vicennium a concive accusetur.
Nobis autem concedenda quidem videtur hæc assertio in eo ca-
su; si quis contra fugientem processum, vel inquisitorium, vel
accusatorium formare incepit, quamvis eundem ad senten-
tiā usque non fuerit prosecutus. Et de hoc casu etiam puto
etum. At si nulla plane accusatio aut inquisitio fuerit instituta,
rationes Carpzovii ejus sententiam non persuadent. Cum e-
nim etiam absente reo accusatio & inquisitio institui possit, o-
mnino quod istam institutionem omiserint, per accusatorem &
Magi-

Magistratum stetit, neque adeo admissa sententia contraria occasio dabitur liberrima fugientibus, ut poenam evadant.

a) d q. 141. 56. b) d thef. 26.

§ 44. Ex dictis etiam non difficile erit respondere ad quæstionem aliam huc spectantem. An scil. rei confessio præscriptioni sit contraria? hoc est, an reus, si post viginti annos coram judice sponte nec tormentis nec squalore carceris coactus, nullaque promissione vel comminatione inductus specifice, id est, delictum cum omnibus suis qualitatibus rotunde, clare, & constantiter fuerit confessus, non obstante hac 20. annorum præscriptione puniri possit. Communiter negant Doctores quæstionem, etiamsi delictum sit notorium a), quæ opinio & nobis arredit, non equidem quod sit communis aut ex testimonio Farinacii verior (huic enim non infrequens est in decisione controversiarum, si rationibus destituatur, sequenti formula demonstrandi uti: *tu crede, quia est pura veritas,*) sed quod præscriptio ipso jure crimen tollat, quorsum spectant phrases, quibus leges in circumscribenda præscriptione utuntur b), quodque omnis controversia & causæ cognitionis super crimine quiescere debeant. Jam vero etiamsi crimen sit notorium, etiamsi reus id distincte confiteatur, causæ cognitione tamen erit opus c), unde frustra urgent dissentientes d), quod confessio sit optima nobilissima & omnium probationum regina, quodque non facile crimen quis confiteri ducatur, cuius reus non sit. Nam ut a posteriori ratione incipiamus, continet ea præsumptionem non juris e), sed hominis, quæ hic non consideratur, adeoque falsa est etiam prior assertio, cum ita regula de confessione vim probationis habente procedat tantum in civilibus. Deinde posito quod & in criminalibus confessio probatio optima, sufficiet tamen nobis, quod probatio hæc causæ cognitionem requirat, quam hic vetant leges.

a) vid. Farinac. d. q. 10 n. 14. Guazzin d c 2 n 17. seq. Carpzov.

P. 1. Constat. 25. Def. 3. Lauterb. th 26. b) vid supra §. 6. c) l. 1 §. 17.

& 28. de confess. d) ap. Lauterb. d th. 26. e) arg. l. 1 §. 17. & 27.

§ 45. Neque adeo opus habemus in media sententia B. Lauterbachii refugium querere, qui in hac opinionum diversitate multum prudentis & æqui judicis arbitrio relinquendum & distinguendum esse putat a), an præter confessionem aliunde quo-

que de delicto & ejus qualitatibus certo constet, an vero nullæ aliæ adsint probationes, quæ religionem judicis satis instruere possint. Priori in casu haud aberraturum esse judicem, si in criminibus jure naturali prohibitis posteriorem sequatur sententiam b), quæ statuit, punire posse judicem etiam præterlapsi viennio. Unde etiam judicio Tessauri Senatum Pedemontanum, qui reum post 25. annos a notorio, absolvit homicidio, melius fecisse c), si ipsum in aliquam poenam condemnasset. Hinc & Guzzinum addere, tutius d) esse reo quoad poenam scil. temporalem evitandam, si delictum præscriptum non fateatur. Posteriori vero casu sententiæ communi inherendum videri. Eo magis vero confirmamur, ut istam Lauterbachii distinctionem hic non putemus esse necessariam, quod videmus etiam eadem abstinuisse Dominos Scabinos in præjudiciis a Carpzovio e) re-censitis. a) d. tb. 2. b) arg. l. i. §. 17. ff. de quest. Sed nego hic conse-quentiam, quam ex ista lege Lauterbachius pro sua opinione necdere vult.

Taceo, quod illa quidem lex inter criminajure naturali prohibita & alia omnino non distinguat. e) imo in eo potius peccavit iste Senatus, quod in crimen hoc notorio non ante elapsum tanti temporis spatium processum formaverit delinquenti, vel si hic forte fuga sibi consuluit, quod non saltem inquisitionem inservierit, vid. supra §. 44. d) sed non statim quod minus tutum est in praxi, id quoque minus verum erit. e) Prax. Crim qu. 141. n. 42. & 69 verbis: Wenn ihr nun gleich dessen geständig, oder mit Recht übersühret werden möchtet.

§. 46. His præmissis absque ulteriori mora ea, quæ hactenus diximus, ad quæstionem propositam, quo tempore crimen bigamie prescribatur? erunt applicanda. Ac quidem initio, ex communi interpretum sententia dicendum videbatur? I Nullo tempore praescribi bigamiam, cum supra a) fuerit ostensum, atrociora quædam delicta eximi a præscriptione. Et sane si istam opinionem admittamus, quæ inter delicta atrociora referebat etiam crimen suppositi partus, falsæ monetæ, concussionis & abortus &c. nulla ratio afferri poterit, cur non & bigamia eo referenda sit, quæ istis delictis si non praferri debeat, certe tamen cum iisdem pari passu ambulet. Sed quoniam simul prolixè ibidem b) ostendimus, istam sententiam ex male intellectis quibusdam juris Justinianei textibus ortum sumpvisse, sublato fundamento etiam, hæc assertio de præscriptione bigamie corrut.

a) §. 18. seqq. b) §. 19. seqq.

§. 47.

§. 47. Igitur pergamus ad regulam de præscriptione criminum, ex qua forte poterit responderi. II. Bigamiam præscribi vicennio, præprinvis cum hæc assertio variis suffulta sit rationibus. Nam (1) bigamia in jure Justinianeo nusquam a regula legitur fuisse excepta, tamdiu autem regula standum est, donee exceptio doceatur. (2) In dissertatione priori *a)* ostensum fuit, crimen bigamiæ esse gravius adulterio vulgari, ac ita etiam appellari diserte in constitutione Carolina. Igitur præscriptio quinquennii in adulterio recepta non debet extendi ad crimen bigamiæ cum exceptiones sint stricti juris, adeoque stricte explicandæ. (3) Accedit, quod ipsum jus Romanum adulterium secundum regulam præscribi voluerit, si concurrat cum bigamia, quæ non minus delictum est, ac incestus. (4) In specie, quod jus Saxonum Electorale attinet, idem dicendum erit, quoniam hoc etiam adulterium duplicatum a præscriptione quinquennali exemit, cur non igitur & bigamia censi debeat exenta, cum & hæc æque gravis esse videatur adulterium ac duplicatum.

a) §. 56. seqq. b) vid. supra §. 29. & 37.

§. 48. His tamen non obstantibus, regulis bonæ interpretationis nobis convenientior videtur sententia. III. Bigamia crimen præscribitur quinquennio, ob unicam rationem quam sufficientem esse arbitramur, quod omnia delicta, quæ lege Julia de adulteriis fuerunt vetita, quinquennio *a)* in specie præscribantur, adulterium & stuprum *b)*. Jam vero late ostendimus bigamiam ex hypothesi juris Romani esse speciem partim adulterii partim stupri *c)*, ex hypothesi vero juris moderni *d)*, esse semper adulterii speciem. Quæ igitur de genere prædicatur præscriptio quinquennii, eadem & de omnibus speciebus, quæ non expresse sunt exceptæ, qualis non est bigamia prædicari debet.

a) vid. supra §. 25. seqq. b) vid. §. 26. & 27. c) vid. Disp. priorem §. 63. seqq. d) dicta dissert. priore §. 56 seqq.

§. 49. Declaramus vero sententiam nostram, quod quinquennium hoc computari debeat non a tempore bigamiæ contractæ, sed a tempore, quo eodem finita est. Est enim bigamia ejusmodi delictum, quod continuatur tractu temporis & iteratur. Si enim semel quis conjugi superstitioni aliam conjugem per conjunctionem carnalem superiaduxerit, perpetuo quamdiu cum hac posteriori manet, bigamia continuatur, etiam eo tempore, quo non frequentat conjunctionem carnis. Nam quemadmodum dominium a possessione, possessio a retentione corporali quidem incipit sed nihilominus dominium etiam sine possessione, possessio sine actu corporali

76 DE PRÆSCRIPTIONE BIGAMIAE.

porali continuatur solo animo; ita & bigamia quidem ad sui essentiam conjunctionem carnis requirit, qua semel facta etiam sine eadem subsistit. Quodsi insuper conjunctio carnis a bigamo vel bigama frequentetur, multiplicatur quoque si non bigamia, certe adulterium bigamicum. Jam autem supra a) ostendimus, in criminibus continuatis & iteratis præscriptionis initium currere a tempore finiti vel a tempore ultimi delicti. a) §. 15.

§. 50. Quodsi quereras ulterius: quo tempore bigamiae crimen finitum esse censeatur? respondebimus: id variis modis posse contingere. 1) Morte bigami, 2) morte conjugis prioris, 3) morte conjugis posterioris, cum qua bigamia fuit commissa, 4) matrimonio cum priore conjugi juste, hoc est, judicialiter soluto, 5) denique ab eo tempore, quo certo demonstrare potest bigamus, se ab altera conjugi, cum qua bigamiam commiserat, seria poenitentia ductum revera separasse. Ac prioris quidem tres modi nullum habebunt dubium, de quarto vero & quinto adhuc pauca moneri debent.

§. 51. Diximus, bigamiam finiri, si matrimonium prius judicialiter fuerit solutum. Finge Cajum dereliquisse uxorem suam & alibi cum Mevia contraxisse nuptias. Octennio elapso, uxor prior Caji impetrat a judice suo, ut propter malitiosam desertionem & adulterium bigamicum Caji ab ipso liberetur, & prius istud matrimonium dissolvatur. Puto, hic a tempore dissolutionis quinquennium currere, nec post illud elapsum adversus Cajum de bigamia inquire posse, etiamsi vivat adhuc ejusprima uxor etiamsi vivat & altera. Quoniam per divortium ex capite adulterii solvit non solum vinculum respectu innocentis, sed & respectu nocentis, ac huic quoque ad secunda vota transire permittitur a). Igitur ab hoc tempore conjugium illud secundum Caji non amplius pro bigamia haberet.

a) Carpz. Jurispr. Ecclesi. l. 2. def. 19t.

§. 52. Aliam rationem esse puto, si pars innocens absque sententia judiciali per solam bigamiam partis nocentis se liberatam forte putans & ipso aliā conjugem sibi querat. Finge: Caja maritum suum Titium deserit & Sempronio nubit, cumque hoc per decennium in bigamia vivit, decennio elapso, Cagus privata autoritate dicit Meviam. Hic Caja præscriptionem allegare non poterit, etiamsi post illud primum decennio vitam conjugalem adhuc per quinquennium cum Sempronio continuaverit. Nec obstat, si urgeas, quod ex communi brocardico adulterium solvat conjugium ipso jure, adeoque videatur vinculum inter Cajam & Titium statim esse solutum, postquam Titius Meviam duxit, quia hoc ipso Titius etiam

com-

commisit adulterium. Petemus enim hic, ut prius nobis respondeas, cur non obstante isto brocardico Titius a Caja relictus & Meviæ se jungens adulterium & bigamiam cum Mevia incurrat, cum tamen Caja nubendo Sempronio jam adulterium commiserit, & ita ipso jure vinculum inter eam & Titum secundum istud brocardicum videatur esse ruptum. Quamcumque responsum nobis dederis, eadem etiam utemur adversus te.

§. 53. Diximus porro, finiri bigamiam, si bigamus se ab altera conjugie, cum qua bigamiam commiserat, pœnitentia ductus revera separaverit. Quamdiu enim ista separatio non sit, manet & continuatur bigamia, ut modo declaravimus solo animo, etiam si non continetur conjunctio carnalis. Ast separatione facta, cum & conjunctio corporis & animi cesseret, cessabat etiam bigamia, non aliter ac possessio & dominium deficiunt, si animo & actu corporeo eadem derelinquamus. Voco autem hic separationem realem, quando non solum conjunctionem carnis omittit bigamus, sed & insuper affectionem maritalem deponit. Præterea & illud noto, in dubio præsumptionem esse contra bigamum, quoniam separatio ista facta est, adeoque a bigamo probari debet. Probabitur autem v. g. si bigamus & altera ejus uxor coram Notario declarant, quod in posterum a se invicem abstinere ac matrimonium bigamicum pro nullo habere velint, siue post hanc declarationem etiam separatim habitent, ac nulla suspicione iterata de novo turpis consuetudinis graventur.

§ 54. At inquires, cur non & in matrimonio isto secundo requiris, ut per sententiam judicialem solutio fiat, sed bigamo concedis privata autoritate separare, cum tamen in præcedenti casu assueris, bigamiam non tolli, etiamsi pars innocens privata autoritate aliam duxerit. Sed respondebimus, hic esse disparitatis rationem. Nam prius istud conjugium non ab initio erat nullum sed juste contractum. At conjugium posterius bigamicum ipso jure nullum est, ac propterea declaratione judiciali haud est opus. Quod si instes, conjugium, cum marito impotente contractum, etiam ipso jure nullum esse, tamen hic privata autoritate separationem institui non posse, sed ex doctrina Carpzovii *a*), sententia judiciali esse opus, eaque non impetrata, ab uxore adulterium committi, regeram sententiam istam certe ex hypothesi juris Romani variis rationibus impugnari, ostendique facile posse, uxorem istam, si ante judicialem separationem fornicetur, pro adultera non esse habendam *b*), ac præterea quoad mores nostros Carpzovium de eo casu esse intelligendum, ubi nullitas est dubia, quæ causæ cognitione habet opus, utrum impotentia mariti sit curabilis, an minus. Inde non

arbitror, moribus nostris dissolutione judiciali opus esse, si v. g. de facto nuptiæ cum eo, qui notorie eunuchus est, sint celebratæ, aut si incestæ nuptiæ, quæ & ipsæ matrimonium nullum reddunt, fuerint contractæ c) sed & hic crimen finiri statuimus, si partes privata autoritate se separant.

a) Jurispr. Eccles. lib. 2 def. 200. b) arg. l. 13. §. 4. & 6. ad L. Jul. de adult.

Quamvis enim in d. l. 13. concedatur marito, uxorem adulterii accusare jure extranei, tamen si accurate loqui voluimus, ista accusatio jure extranei facta in hoc casu non fuit de adulterio, sed de stupro, quod lege Julia æquali pœna cum adulterio fuit punitur, unde & lex stuprum ac adulterium promiscue usurpavit. Quod hodie secuū est. c) Facit arg. l. 38. §. 6 ff. ad L. Jul. de adult.

§. 55. Limito vero assertionem meam de præscriptione quinquenniali bigamiæ eo casu, ut non procedat de jure Saxonico Electorali, si uterque secundas nuptias ineuntium sit bigamus; hoc est; si alterius uxoris maritus cum uxore alterius mariti bigamiam contrahat, quia hæc bigamia est species adulterii duplicati, in quo quinquennii præscriptionem serenisimus admittere noluit a). a) vid supra §. 38.

§. 56. Restat, ut paucis respondeamus arguientis, quæ pro secunda sententia, quod bigamia vicennio præscribi debeat, afferebantur. Quod igitur 1) concernit: bigamiam a regula non esse exceptam, fatemur equidem verbis conceptis in jure non haberi, quod bigamia quinquennio præscribi debeat. Sed sufficit nobis, quod adulterium a regula exceptum sit, bigamia vero sit species adulterii.

§. 57. Et quamvis 2) bigamia gravius delictum adulterio in constitutione Carolina appelletur, supra a) tamen late probavimus, intelligi tantum gravissimam speciem adulterii, non crimen ab adulterii genere diversum. Itaque cum Ictus velit, omnia delicta lege Julia notata præscribi quinquennio, neque inter vulgaria & atrocia distinguat, nec nostrum erit distinguere, adeoque nos exceptionem a regula ad aliud crimen, quod lege Julia comprehendsum non erat, nequaquam extendimus. Supra b) simul jam occurrimus exceptioni, si quis eam differentiam inter bigamiam & delicta lege Julia vetita afferre velit, quod in his quinquenniis fuerit præsinitum, tanquam in criminibus occultis, & difficillimæ probationis, bigamie crimen contra plerumque contrahi publice & in conspectu totius ecclesiæ, adeoque cessante ratione quinquennii indulti cessare etiam ipsum quinquennium, nam deduximus istam rationem pro genuina habendam non esse. a) Disp. priore §. 56 seqq. b) §. 39. 40.

§. 58.

§. 58. Argumentum ab incestu ad bigamiam admittere non possumus, tum quoniam incestus & bigamia sunt crimina diversa, ac propterea quæ de incestu per modum exceptionis a dispositione legis Juliae afferuntur, ad delictum diversum extendi non debent, quia exceptio exceptionis etiam exceptio est, adeoque ex adversariorum sententia stricti juris, atque extensionis incapax; tum quia & insuper ea adest rationis disparitas: Incestus in se diversum crimen ab adulterio & stupro erat, lege Julia haud notatum a): committitur enim & per incestas nuptias absque adulterio aut stupro b). Sed bigamia semper adulterium est, aut certe (ex Rosmarii juris hypothesi) quandoque stuprum, semperque adeo ad delicta legis Juliae pertinebit.

a) supra §. 32. seqq. b) vid §. 37.

§. 59. 4) Eadem ad quartum argumentum ex constitutione Electorali, qua adulterium duplicatum a quinquenniis præscriptione removetur, desumptum responderi possunt, scilicet & hic esse argumentationem a diversis, si neope inde ad quamvis bigamiam velis argumentari a). Nec juvabit, si afferas, bigamiam omnem in eo convenire cum adulterio duplicito, quod nec hæc possit remitti propter intercessionem conjugis b), cum in adulterio simplici intercessio alias admittatur. Nam recurret eadem responsio, argumentum a diversis desumi, cum aliud sit remissio pœnae, aliud præscriptio ab actione criminali.

a) conf. §. 56. b) vid disþ. prior. tib penult. in fin.

§. 60. Atque hæc sunt, quæ de præscriptione bigamia dicenda habuimus. Quodsi rem acu tetigimus, erit, quod nobis gratulemur, si minus, veniam nos impetraturos considerimus, cum neminem Doctorum nobis evolvere, aut invenire licuerit, qui quæstionem hanc spinosam tractasset, si paucissima excipere velis, quæ hac de re scripta reliquit Magnificus Dominus Schilterus, ex eius perfectione fatemur nos ansam sumissæ disputationem præsentem conscribendi. Idem Dn. Schilterus subjicit postea rationes decidendi Dn. Scabinorum Lipsiensium, quas Serenissimo Electori dederunt super responso quodam in quo sc̄minæ, quæ ultraviginti annos bigamiam continuaverat, gladii pœnam dictaverant. Ut vero istas decidendi rationes paulo prolixiores ex Dn. Schiltero huc transcribere nolamus, ita non pigebit tamen ad meliorē dictarum rationum decidendi intellectum responsa illa, ad quæ rationes decidendi se referunt, a Dn. Schiltero omissa, nobis vero benevolè communicata, coronidis loco apponere. Primum conceptum fuit Weissenfelsam versus mense Iunio 1656. ut ipse Dn. Schilterus jam notavit. Werden Chrissing, Peter E


Wittwe


Wittwe, und Georg H. beschuldiget, daß sie Anno 1632. sich mit einander öffentlich copuliren lassen, und ein halb Jahr ehlichen beysammen gewohnet, nach Verfleissung dessen aber, und als sich das Weib schwanger befunden, von ihrem Ehemanne, welcher damals zu Freyburg im Quartier gelegen, Urlaub genommen, und zu ihren Eltern nach Kieritsch gezogen, mit Verprechen, wenn sie des Kindes genesen, und die Sechswochen ausgehalten, wieder zu kommen, so sie aber nicht gethan, sondern hinter ihres ersten Ehemannes Wissen und Willen sich anderweit mit Peter L. verehliget, und denselben in die zwey und zwanzig Jahr ehlich beysgewohnet, und hat gemeldter H. nachdem er erfahren, daß sein Weib unterdeßen einen andern Mann geheyrathet, unangesehen sie ihm nachgezogen, und wieder zu ihm begehret, dieselbe auf Wiederrathen seines Obrist Lieutenants nicht wieder zu sich nehmen wollen, sondern sich endlich, wiewohl zehn ganzer Jahre hernach, auch zu Pernau in der Pfalz mit einer andern verehliget, welches beyde Inquisitio, als sie hierüber vernommen worden, nicht in Abrede seyn können. Ob nun wohl die L. zu ihrer Entschuldigung vorgewendet, daß sie anderthalb Jahr von ihrem ersten Ehemanne verlassen gewesen, ohne rechtliches Erfantniß auch nicht gesändig seyn will, daß sie ihr Ehemann heissen zu ihm kommen, hierbei vorziehet, sie hätte als ein junges Mägdelein von 6 Jahren auf Zurathen ihrer Eltern und des Pfarrers Peter L. geheyrathet, als welche in denen Gedanken gestanden, er wäre nicht mehr am Leben. Dieweil sie aber dennoch ihr Vorgeben durch Zeugen noch sonsten, wie recht, nicht beybracht, und nicht zu Vermuthen, daß sie von ihren Eltern oder dem Pfarrherrn hierzu verleitet worden. So er scheinet hieraus und sonst allenthalben so viel, daß, wenn Inquisitio ihr Bekantniß in guten nochmals richtig nicht thun will, ihr wol besugt, sie dem Scharfrichter zu untergeben x. ic. So viel aber George H. belanget, dieweil sich derselbe, nachdem er erfahren, daß sein Weib an ihm brüchtig worden, bey dem geistlichen Consistorio nicht angemeldet, und von derselben loszehlen lassen, so wird er gestalten Sachen nach, zwey oder drey Jahr lang mit Landesverweisung in Strafe billig genommen. V. R. W. Alterum codem directum M. Julio ejusd. anni. Hat Christina Peter L. Witwe nunmehr in Güte bekannt, daß sie damals, als sie Peter L. geheyrathet, wohl gedacht, daß ihr erster Mann, George H. noch am Leben seyn würde, ingleichen hätten auch ihre Eltern nicht dafür gehalten, daß er tott sey, weil sie zu solcher Heyrath allerdings nicht rathen wollen, und wendet allein ihre damahlige Jugend und grosses Armut vor, indem sie ein Mägdelein von 14 Jahren gewesen, und mit ihren Kindern in dem Kriegs-Wesen sich nicht ernähren könnten, nach mehrern Inhalt der Inquisition-Aeten.

Da nun jetzt gemeldte Inquisitio auf ihren gerhanen Bekantniß für Gericht freywilling verharren, oder des sonsten wie recht überwiesen würde, so möchte sie von wegen selchen begangenen und bekannten Fäters der zweifachen Ehe mit dem Schwerdt vom Leben zum Tode gestraft werden, und mag ohne Ihr. Churfürstl.

Durchl. unsers gnädigsten Herren, gnädigste Bewilligung ihr die Strafe wo-
der gemildert noch erlassen werden. V. R. W.

F I N I S.





TIFFEN® Color Control Patches

© The Tiffen Company, 2007

Blue	Cyan	Green	Yellow	Red	Magenta	White	3/Color	Black
------	------	-------	--------	-----	---------	-------	---------	-------

